

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Urkunden und Akten der Stadt Strassburg**

Politische Urkunden von 1266 bis 1332

**Wiegand, Wilhelm**

**Straßburg, 1886**

1270

[urn:nbn:de:bsz:31-326704](https://nbn-resolving.org/urn:nbn:de:bsz:31-326704)

dicti prior et fratres, qui nunc sunt et pro tempore oratorium ibidem tenuerint, medietatem omnium oblationum provenientium in altaribus monasterii sui predicti inter missarum sollempnia sive ante missam sive post usque ad finem missarum, dum tamen occasione missarum ibidem offerantur, dolo et fraude cessante omnino, nobisque et ecclesie nostre cedet eadem portio libere et absolute. ac circa conserva-  
tionem earundem oblationum singulis annis imperpetuum servabunt dicti prior et  
fratres bona fide consilium et preceptum decani ecclesie nostre, qui nunc est et pro  
tempore fuerit in ecclesia memorata, nec tamen super hoc juramentum a prelibatis  
fratribus extorquebit. item de omnibus prediis seu possessionibus habitis et habendis  
ipsi ecclesie sancte Aurelie decimalibus, quocumque titulo ad dictos fratres perve-  
nerint, decimas dabunt absque ulla contradictione ecclesie prelibate, de nutrimentis  
animalium decimis dumtaxat exceptis. nullum etiam de parrochianis ecclesie sancte  
Aurelie ad sepulturam recipient nisi de voluntate et consensu perpetui vicarii ecclesie  
memorate. cedent igitur in posterum ipsis fratribus absque ulla divisione nobis vel  
vicario ecclesie sancte Aurelie predictae facienda universa provenientia eisdem ex  
testamentis, legatis, donationibus sive ex aliis quibuscunque causis, et que ad fa-  
bricam vel ad ornatum oratorii seu ob quascunque pias causas ipsis relicta fuerint  
vel concessa. preterea si predictos fratres aliis personis locum predictum, in quo  
nunc sunt, cum suis attinentiis presentibus et futuris vendere, donare aut permutare  
contigerit, persone subintrantes omni jure gaudebunt, quod alienationis tempore  
habuerint iidem fratres, absque nostra et vicarii nostri predicti qualibet contradic-  
tione. in restaurationem vero omnium dampnorum, que occasione dictorum fratrum  
poterimus sustinere, dederunt iidem fratres nobis et ecclesie nostre triginta sex  
marcas argenti. quam pecuniam confitemur nos ab eisdem recepisse et in usus  
ecclesie nostre conversam esse. renuntiaverunt quoque et presentibus renuntiant  
prior et fratres predicti pro se et omnibus suis successoribus omni juris auxilio com-  
muni et privato, beneficio restitutionis in integrum et generaliter omni exemptioni  
seu defensionis, per quas venire possent contra presens factum seu instrumentum.  
et ad majorem nostri et ecclesie nostre securitatem dictus prior de mandato et  
voluntate fratrum suorum juravit corporaliter in animam suam et fratrum eorundem  
ad sancta dei ewangelia ac promisit, quod nunquam contra hujusmodi ordinacionem  
quicquam impetrabit vel impetrare procurabit. et si alique littere impetratae sint vel  
fuerint a quocumque vel etiam motu proprio a sede apostolica vel legatis ejusdem  
concesse, dicti prior et fratres, magistri ordinis et provincialis, qui nunc sint et pro  
tempore fuerint, ipsis nequaquam utentur. et si ab ipsis priore et fratribus seu  
quocumque alio successore eorum vel etiam a magistris ordinis vel provinciali in  
contrarium factum fuerit, extunc oratorium predictum in parrochia sancte Aurelie  
per ipsos constructum jam et quicquid superedificatum fuerit ad monitionem reve-  
rendi in Christo patris ac domini nostri episcopi vel ejus, qui pro tempore episcopus  
fuerit, infra octo dies demolietur per ipsos fratres, ipsisque id facere negligentibus  
per capitulum demolietur. in omnibus suprascriptis subicient se iidem fratres et prior  
cum omnibus successoribus suis jurisdictioni domini nostri episcopi Argentinensis et  
ejus, qui pro tempore regimen obtinuerit ecclesie Argentinensis. et quantum ad

presens negotium renuntiaverunt et renuntiant omnibus privilegiis exemptionis ipsis a sede apostolica vel undecunque concessis et concedendis. nos vero prepositus, decanus et capitulum sancti Thome predicti ex una, prior et fratres predicti ex altera confitemur omnia suprascripta juste et rationabiliter inter nos acta fore, obligantes nos mutuo insolidum et omnes successores nostros ad omnia suprascripta fideliter observanda. in cujus rei testimonium et perpetuam memoriam sigillo venerabilis patris nostri episcopi antedicti, magistri ordinis, provincialis eorundem necnon prioris domus predictae presens instrumentum est consignatum. nos *Heinricus* dei gratia episcopus Argentinensis prelibatus ad premissorum probationem perpetuam sigillum nostrum presenti scripto appendi fecimus de voluntate et consensu et ad petitionem partium predictarum. actum et datum Argentine anno domini 1270.

*T aus Straßb. Thom. A. Docum. hist. lad. 11 or. mb. c. 4 sig. pend.*

*Ebenda Augustiner lad. 10 or. mb. c. 2 sig. pend. mit dem Datum des 8. August.*

*Gedruckt nach T bei Ch. Schmidt Hist. du chap. de s. Thom. p. 321 nr. 44.*

24. *Konrad von Lichtenberg, Sänger des Straßburger Domcapitels, sichert der Stadt Straßburg zu, daß ihr von der Stadt Hagenau keine Feindseligkeiten widerfahren sollen und daß er die Freilassung ihres Bürgers, des Bäckers Konrad bewirken werde [1263—1270].*

[Conradus] dominus de Liehtinbere cantor majoris ecclesie Argentinensis amicis suis specialibus et dilectis G. magistro consulibus et universis civibus Argentinensibus sincere dilectionis affectum et paratam ad obsequia voluntatem. licet civitati Hagenoensi non presideremus, ob dilectionem tamen vestram et ob tanta nobis exhibita servicia vobis et concivibus vestris mala aliqua inferri ex ea non pateremur. et quanvis quidam Cunradum pistorem concivem vestrum ex illa insecutum et captivum suspicantur, nulla siquidem debetis credere ratione scientes, quod ejus liberationem<sup>1</sup> summopere intendimus et vobis solum remittere laboravimus cum effectu.

[*in verso*] magistro [consulibus et] civibus Argentinensibus.

*S aus Straßb. St. A. AA art. 1396 or. mb. lit. clausa c. sig. inverso impr. delapso. Die Adresse auf der Rückseite stark verwischt. Konrad von Lichtenberg ist in den Jahren 1263—1272 als Sänger des Domcapitels nachweisbar. Da die Sigle G für die bekannten Bürgermeister der Jahre 1271 u. 72 nicht passt, so ist 1270 als Endtermin gesetzt. G ist vielleicht mit Gozelino aufzulösen und dürfte die Urkunde dann in die Jahre 1263 oder 65 gehören.*

25. *Schreiben Bischof Heinrichs von Straßburg an die Stadt Straßburg über die Verlängerung ihres Waffenstillstands mit Hugo von Rathsamhausen u. A. [1264—1270] September 21 Egisheim.*

H[einricus] dei gratia episcopus Argentinensis dilectis fidelibus suis C[unoni] dicto Suner magistro consulibus et universitati civium in Argentina salutem cum

a) *S* liberatione.